

Headlines

1. ऑप्रेसन सिंदूर दे बाद पाकिस्तान प्रायोजित आतंकवाद गी उजागर करियै पाकिस्तान गी बेनकाब करने लेई सर्वदलीय शिष्टमंडलें गी बाहरले मुल्ले च भेजने दा भारत दा कूटनीतिक अभियान शुरू।
2. उपराज्यपाल मनोज सिन्हा होरें पाकिस्तान गोलाबारी च मारे गेदे आम नागरिकें दे आश्रतें गी सरकारी नौकरी देने दी घोषणा कीती ऐ।
3. मनोज सिन्हा होरें पुंछ च जवानें कन्नै मलाटी दौरान आखेआ जे ऑप्रेसन सिंदूर भारती फौज दी दलेरी ते रणनीतिक ताकत दी जींदा मसाल ऐ।
4. जम्मू-कश्मीर सरकारै अनाधिकृत वेबसाइटों बंद करने दा हुकम जारी कीता। सब्बनं मेहकमे च बी अधिकारिक ई-मेलज दा निजी तौरा पर इस्तेमाल करने पर बी रोक लाई।
5. जम्मू-कश्मीर च शिक्षा दे अधिकारी कनून तैहत सरकारी स्कूलें च पढ़ने आहले 13 लक्ख कोला मते बच्चें गी मुफ्त कताबां ते वर्दी दिती जा'रदी ऐ।

<><><><><><>

Delegation-Jha

JD (U) दे सांसद संजय कुमार झा हुंदी अगुवाई च इक सर्वदलीय प्रतिनिधिमंडल अज्ज ऑप्रेसन सिंदूर बारै भारत दी कूटनीतिक आउटरीच ते पाकिस्तान आसेआ प्रायोजित आतंकवाद गी बेनकाब करने लेई 5एं मुल्ले दे दौरे उप्पर खाना होई गेआ। एह प्रतिनिधिमंडल इंडोनेशिया, मलेशिया, द रिपब्लिक ऑफ कोरिया, जपान ते सिंगापुर दा दौरा लाग तां जे आतंकवाद कन्नै हर चाल्ली कन्नै निब्वडने लेई देसै दे दृढ़ रवैये ते पक्के धेइयै गी स्टेई तरीके कन्नै दस्सेआ जाई सकै। जाने थमां पैहले मीडिया आहलें कन्नै गल्लबात करदे होई श्री झा होरें आखेआ।

<><><><><><>

LG-Announcement

इक्क बड्डे फैसले तैहत उपराज्यपाल मनोज सिन्हा होरें आखेआ ऐ जे सरकार पाकिस्तान आसेआ कीती गेदी गोलाबारी च मारे गेदे लोकें दे परौआर दे इक्क नेडमे सदस्ये गी सरकारी नौकरी देग। उपराज्यपाल होरें एह गल्ल पुंछ दे अपने दौरे दुरान आक्खी। पुंछ जाइयै एल.जी होरें होए दे नुकसान दा जायजा लाया। घायलें ते प्रभावित परौआरें कन्नै मलाटी कीती ते अधिकारियें कन्नै इक बैठक दी अध्यक्षता कीती। उनें तौले मुआवजा मिलने ते व्यक्तिगत ते सामुदायिक बंकर बनाने लेई इक विस्तृत योजना पेश करने दा निर्देश बी दित्तां उपराज्यपाल होरें इस गल्ले दी पुष्टि कीती ऐ जे केंद्र सरकार ते यू.टी प्रशासन दौनं गै पीडितर ते उंदे परौआर कन्नै खडोते देन ते बन्ने आहले इलाकें च परतिय लोकें गी बसाना, चिकित्सा दी मदद ते सुरक्षा उपाएं लेई प्रतिबद्ध ऐ। श्री सिन्हा होरें जीएमसी राजौरी दा बी दौरा लाया ते घायलें कन्नै गल्लबात करियै उंदा हालचाल पुच्छेआ। इस मौके पर बोलदे होई एल.जी होरें आखेआ।

<><><><><><>

LG-Sindoor

उपराज्यपाल मनोज सिन्हा होरें अज्ज आखेआ जे ऑप्रेसन सिंदूर भारतीय फौज ते रणनीतिक ताकत दी इक जींदा जागदी मसाल ऐ। भारती फौज दे इतिहास च इसी इक्क ऐतिहासिक क्षण करार दिंदे होई एल.जी होरें आखेआ जे इस ऑप्रेसन नै इक ऐसी मसाल पेश कीती ऐ जेदे कन्नै साबत होई गेआ ऐ जे पाकिस्तान आसेका कीती गेदी कुसै बी नापाक हरकत दा बनकदा परता दित्ता जाग। भारती जवानें दी बहादुरी गी सलाम करदे होई उन्दे शौर्य ते हिम्मत दी सराहना कीती। अपने पुंछ दे दौरे

दौरान उनें सेना दे जवानें कन्नै बी गल्लबात कीती ते भारती सेना दे युद्ध कक्ष दा बी दौरा लाया। जवानें कन्नै गल्लबात करदे होई एल.जी होरें आखेआ।

<><><><><><>

Tiranga-Yatra

ऑप्रेशन सिंदूर दी सफलता दा जश्न मनाने लेई रियासी जिले दे कटड़ा च इक भव्य तिरंगा रैली दा आयोजन कीता गेआ। इस रैली च पूर्व सैनिकें, विद्यार्थियें, युवाएं, समाज दे मन्ने-परमन्ने दे लोकें ते मकामी लोकें हिस्सा लैता। सांसद जुगल किशोर शर्मा होरें प्रतिभागियें कन्नै मिलियै देशभक्ति दे नारे लाए ते भारती सशस्त्र बलें दी हिम्मत ते बलिदान गी नमन कीता। मीडिया कन्नै गल्लबात करदे होई सांसद जुगल किशोर होरें आखेआ।

<><><><><><>

Poonch-Anti Terrorism Day

शांति ते एकता दे सशक्त संदेश कन्नै अज्ज बाँयस हायर सेकेंडरी स्कूल मंडी पुंछ नै राश्ट्री आतंकवाद विरोधी ध्याड़ा मनाया। इस कार्यक्रम च देशभक्ति गीत प्रतियोगित ते राश्ट्री एकता गी होर बढ़ावा देने आहले प्रेरणादायक कार्यक्रम पेश कीते गे। इस दौरान आतंकवाद रोधी संगंध बी चुक्की गई। इस कार्यक्रम च 215 शा मते विद्यार्थियें ते 23 स्टाफ सदस्यें हिस्सा लैता। इस कार्यक्रम दा मकसद आतंकवाद दे हानिकारक असर ते हिंसा ते नफरत दे खलाफ इकजुट होइयै खडोने दी लोड़ बारै जागरूकता फैलाना हा। इस मौके पर बोलदे होई स्कूल दे प्रिंसीपल अनवर खान होरें आखेआ।

<><><><><><>

JK Govt. Official I.D

जम्मू-कश्मीर सरकारै सब्बनं प्रशासनिक विभागें गी निर्देश दित्ता ऐ जे साइबर सुरक्षा सरबन्धी मानक नियमें दी पालमा कीती जा ते 'डॉटकॉम' या 'डॉट ओ.आर.जी.' आंगर दे प्राइवेट डोमेन दा इस्तेमाल करने आहलियां अनाधिकृत विभागीय वेबसाइटों बंद कीतियां जाना। आम प्रशासनिक विभाग आसेआ जारी सेक्युलर मूजब सरकारी मैहकमे गी अपनी आधिकारिक सरकारी डोमेन्ज जियां जे "डॉट गोव डॉट इन" जां "जेके डॉट गोव डॉट इन" दा गै इस्तेमाल करना। एहदे अलावा दफतरें दे कम्मै लेई प्राइवेट ई मेल दा इस्तेमाल करने पर बी पाबंदी लाई दिती गई ऐ ते सरकारी संचार कम्में लेई एन.आई.सी ईमेल आई.डी-एं दा गै इस्तेमाल कीता जाना लोड़चदा। सब्बनं मैहकमें गी एह हिदायत बी दिती गई ऐ जे ओह अपनी समूलचे आई.टी ढांचे दी आडिट जांच कराई लैन ते इब्बी यकीनी बनान ते आई.टी सुरक्षा सरबन्धी नमें सरिसते ते लाइसेंसशुदा साफ्टवेयर गै इस्तेमाल करना।

<><><><><><>

School-JK

जम्मू-कश्मीर च सरकारी स्कूलें च पढने आहले 13 लक्ख शा मते विद्यार्थियें गी शिक्षा दे अधिकार आहले कनू तैहत मुफ्त वर्दी ते कताबां थ्होआ करदियां ना। 1 थमां 8 जमात दे तकरीबन 8 लक्ख विद्यार्थियें गी वर्दी ते 3 थमां 5मीं जमात दे 5.5 लक्ख विद्यार्थियें गी मुफ्त कताबां दित्तियां जा'रदियां ना। स्कूलें च 13 जहार 804 आया ते हेल्परें दी मदाद कन्नै 15 जहार शा मती प्री प्राइमरी कक्षा शुरू कीतियां गेइयां ना। 1 जहार 350 स्कूलें च व्यवसायिक शिक्षा बी दिती जा'रदी ऐ जेदे कन्नै 1.34 लक्ख विद्यार्थियें गी बक्ख-बक्ख हुनर सिक्खने च मदद थ्होग।

<><><><><><>

Palkiwala-return

धार्मिक सैलसफा लेई इक सकरात्मक विकास च ज्हारें पालकी ते घोड़े'खच्चरें आहले श्री माता वैष्णो देवी तीर्थ च परतियै वापस आई गेन ते तीर्थ यात्रियें दी मदद च अपनी अहम भूमिका निभा करदे ना। पिछले दिनें भारत ते पाकिस्तान बश्कार बनी दी तनोतनी दे चलदे जात्तरा च कमी आई गई ही ते इस करी 5 जहार शा मते पालकी आहले घोड़े-खच्चरें आहले एह लोक वापस चली गे हे पर हून जात्तरा च परतियै बाद्दा होने करी एह लोक परतोई आए ना। इन्दे वापस औने करी मकामी अर्थ बवस्था यात्रुएं दी गिनतरी च बाद्दा होग। अधिकारियें उंदी इस गैंऽ दा सुआगत कीता ऐ। इक पालकी आहले कन्नै गल्लबात करदे होई उनें आखेआ।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बश्कार ऐ ते ओहू कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू पिन कोड 180001 उप्पर 15 जून 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

PM-MKB

प्रधानमंत्री नरेन्द्र मोदी होर 25 मई गी आकाशवाणी पर प्रसारित होने आहले अपने महावार रेडियो कार्यक्रम मन की बात राए देश विदेश च रोहने आहले लोकें कस्ते अपने विचार सांझे करडन। एहू इस प्रोग्राम दी 122मीं कड़ी होग। लोक अपने विचार ते सुझा टोल फ्री नम्बर 1800-11-7800 पर भेजी सकदे न। एदे अलावा लोक अपने सुझा ते विचार नरेन्द्र मोदी एप ते माई गोव ओपन फोरम पर बी भेजी सकदे न। इन्दे चा चुने गेदे किश सुझाएं गी प्रधानमंत्री होर अपने कार्यक्रम च शामिल करडन। मन की बात लेई विचार ते सुझा भेजेने दी अखीरी तरीक 23 मेई ऐ।

<><><><><><>